



Staats- und  
Universitätsbibliothek  
Bremen

# **Staats- und Universitätsbibliothek Bremen**

## **Digitale Sammlungen**

**51. F f f, auss das Jahr 1631.**

**1631**

Wochentliche Ordinari Zeitung / auff  
das Jahr 1631.



Auß Rom den 6. Decemb.  
Sontags ist der Junge Fürst von  
Eggenberg von Neapoli allherd  
kommen / wider nach Teutschlande  
zurayfen / allda zu Neapoli hat der Vice  
Re alle Panditen Verdon ertheylet / da sie  
dem König wider dienen wollen / so hat  
man auß Spania / daß von dannen der  
Admiral Ribera mit 22. grossen Schiffen  
nach Donkirchen abgefeglet / mit densel-  
ben ein newe Impresa wider die Hollän-

der fürzunehmen.

Zu Genua seyn wider 2000. Spanier von Neapoli für  
Maylandt antommen / so hat der König in Franckreich an selbe  
Herschafft den Pab begert / ein Summa Getrapdt von Mar-  
stia in ihren Meerhäfen außzuladen / vnd in Monferat zufüh-  
ren / welches die Herschafft auß guesheissen des Mayländischen  
Gubernators bewilliget / doch etlich Vold auß die Gräniz ge-  
legt / weil sich die Franzosen vnd Savoyer in der Marggrafs-  
schafft Varese einquartiert.

Auß Hall den 11. December.

Vorgestern seyndt die Kayß. 107. Mann stark mit Sack  
vnd Paet auß Mansfeldt gezogen / davon sich in 70. vnderhal-  
ten lassen / die andere seyndt in Magdenburg kommen / den Offi-  
ciern / deren 10. gewest / hat man ihre böste Sachen / so sie bewep-  
fen köndten / daß es ihnen juständig / folgen lassen / die Güeter vnd

3 ff

Sachen

Sachen aber/so Graf Wolfen von Mansfeldt vnd seinem Capitan Wolf Winkelmann gehörig / darunder 16. seiner Leibpferde gewest / seynde hieher geföhrt worden / im Schloß haben die Schwedischen 1400. Schäßel Korn vnnnd Weizen/ 500. Aymer Weitz / vil geräucherts Fleisch / vnd 6. Thonnen Salpeter / von Pulver aber nur 2. Thonnen gefunden / den Evangelischen Grafen von Mansfeldt / hat man ihr Rechte an dem Stättlein vnd Schloß vorbehalten.

Der Bischoff von Bremen hat die Stätt Ottersberg / Elstenthall / vnd andere Orth eingenommen / vnnnd weil die Stätt Bremen dem Bischoff beystehet / als haben die Grunnsfeldischen etlich Bremische Kauffmanns Güeter arrestiert.

### Prag den 12. December.

Göstern ist der Velde Marschalck von Arnheimb / so bey dem Herzog von Friedtlandt gewest / wider allhero kommen / vnd ist man auff der Kayß. Seiten sehr zum Friden genaitz / das Sächsisch Volck ist auff das Landt quartiere / der Churfürst nimbt sich der Regierung noch nichts an / wirdt aber die Intrada einnehmen lassen.

### Auff Gölln den 12. December.

Auff Hollande hat man / daß die Staaden dem Pfalzgraf Friderichen frey gestellt / die abgedanckte Soldaten anzunehmen / vnd in selbigen Landen noch mehr Volck zuwerben / darzu auch die Engelländer stossen sollen.

Der Fürst von Newburg ist mit seinem Gemahel hiedurch nach Disttdorff verreise / es befindet sich auch der Bischoff von Würzburg noch allhie.

### Venedig den 13. December.

Der Marschall di Toras hat wider ein Regiment Franosen in Pinarolo gelegt / vnd kompt noch täglich vil Volck vmb Lyon an / so haben die Craybindter ihre Regimenter auch völlig besama

beyfammen / bey denen befindet sich der Duca di Roan zu Thur/  
befößtigen die Stadt stark / so halten die Adtsogenossen auch ein  
Tag zu Paden / bey denen ein Schwedischer Gesandter an-  
kommen.

Von Paris hat man / demnach der König vernommen/  
daß der Duca di Orlens mit der Herzogin von Sedan Con-  
sens ein Anschlag auff selbe Stadt gehabe / hette Er alsbalde et-  
lich Volt vnderm Marschall de la Forza dahin geschickt / des  
von Orlens Troppen bey selbiger Stadt vberfallen / in 400. er-  
lege/vnd den Rest in die flucht getrieben / vnnnd hette sich dervon  
Orlens nach Lüttich salviert, willens sich in Kayß Dienst zu  
begeben.

### Prüssel den 13. December,

Allhie wurde von Thur Cölln / Mainz vnd Subernatorn  
in der vndern Pfalt vmb mehr hülff angehalten/ deswegen noch  
6. Regiment ins Reich marschieren sollen.

Die Eroberung Bernambuck / wie auch die Niederlag auff  
der Spanischen See/dabey der Admiral Pater / neben vil gros-  
sen Schiffen im Monat Augusto gebliben / wirdt auß Spania  
nochmahls bestättiget.

### Franckfurth den 16. Decemb.

Der König hat ganz Rindaw vnder Contribution ge-  
bracht / vnd seyndt vil Rainsische Dörffer geblindert worden/  
vnnnd obwol man 3. Prucken anfangen zuschlagen / Mainz zu  
attaquiern, ist doch hernach andere Ordinars erfolge / vnnnd  
Donnerstag alles Volt(ausser etlich 1000. Mann / so vnder  
dem vort Hessen vmb Königstein vnd hierumb ligen bleibe ) mit  
vil Geschüs hindurch passiert / thapls gegen der Bergstrah vnd  
Haydelberg/ thapls den Rhein hinauff / vnd wie man jeso ver-  
nimbt/Weinheimb / Gerßheimb / Zweigenberg vnnnd Oppen-  
heimb/ so ein Schans dissepts Rheins/ eingenommen / der Kö-  
nig ist Abendts der Armada gefolgt / deme der Rahe / Burgers-  
schafft

schaffe vnd Soldaten allhie / so lang das Evangelisch Weesen  
bleiben werde/den Ayr gelaißt / doch ohne præjudiz der Pflliche/  
damit sie Kayß. May: zugethon / entgegen der König die Statt  
zuschutzen/versprochen.

**Am Montag: Auß Wien den 17. December.**

Der Hungar. König rüßt sich noch stark in Belde/ wie  
dann vñ Heer: vnd Rüstudgen versertiget werden/ gesehen ist  
der Cardinal von Dietrichspain auß Währn allhero kommen/  
des verlaßt/ daß der Herzog von Friedland auff 16. Regiment  
Patenten außgeben.

Dise Tag ist der Graf von Karentz zum Böhm: Vice  
Cancier erlödt worden/ welcher bey dem Königl: Hofflager  
verblieben wirdt/ es ist auch Montags vormittag Herr Doctor  
Grunzig geweser Reichshoffrath im sigendten Rath vom  
Stül gefallen/ vnd gestling gestorben.

Der Obrist Gallos solle mit etlich Kayß: Völck in Pilsen  
angelangesein / sonst seynde zween vornehmme Böhmische auß  
geriffne Rebellen/ als einer von Houbitz/ vnd ein Wangora / so  
Chur Sachsen gelant/ bey Prag gefangen/ vnd allhero gebracht  
worden.

**Am Montag den 18. December.**

*[Faint, mostly illegible text, likely bleed-through from the reverse side of the page.]*